

建寧府志卷之二

沿革

閩僻瀕海建據上游當周時曾紀職方至秦置守
立郡由漢以來世幾更名幾易我

國朝取歷代而定之府屬仍舊制度盡善無疆惟恤
且無疆惟休矣志沿革

周

屬七閩地職方氏辨七閩之人閩之名始此

秦

建寧府志

屬閩中郡

勾踐裔亡諸氏姓騶據閩自王始皇廢亡諸為
君長以其地為閩中郡

漢

高帝屬閩越

先是亡諸及粵東海王搖歸番陽令吳芮從諸
侯滅秦漢與佐漢擊楚五年立亡諸為閩越王

王閩中故地都冶惠帝三年舉高帝時平粵

搖為東海王都東甌

治即今候官縣將軍山
甌即今浙江永嘉縣

武宣屬會稽郡

建元三年閩越發兵圍東甌東甌請舉國徙江淮其地復屬閩越六年閩越擊南粵南粵請救天子閩越王郢發兵距險其弟餘善謀縱殺王降立亡諸孫繇君丑為越繇王奉閩越祀餘善以殺郢功立為東越王與繇王並處故又名東越元鼎五年餘善反漢擊之元封元年繇王居股殺餘善以降封居股為東成侯帝以閩越悍數反覆徙其民江淮間遂虛其地久之逃遁山谷者頗出立為冶縣屬會稽南部又名其地為東冶縣

建寧府志

卷之二

沿革

二

二百六十七

東漢

光武屬會稽南部都尉

帝初改冶縣為侯官都尉屬會稽郡後分冶縣為東南二部都尉閩為南部都尉臨海為東部都尉

獻帝建安初立三縣仍屬會稽南部都尉

分侯官之北鄉置建安南平漢興三縣

建安即今本府

南平即今延平
漢興即今浦城

建安八年賀齊進兵建安立都尉府

先是王朗奔東冶侯官長商升為朗起兵孫策

遣永寧長韓晏領南部都尉將兵討升以齊為

永寧長晏敗齊代晏領都尉事候官與建安漢

興南平復亂齊進兵建安立都尉府

二 輿史

景帝永安二年以會稽南部為建安郡領縣十是

年析建安之桐鄉置建平縣改都尉曰太守領

建寧府志

卷之二

沿革

三

三百〇四

建安建平吳興東平將樂昭武綏安南平候官

東安十縣仍治建安

建平即建陽吳興即漢興
東平未詳將樂析建安校

鄉置昭武即邵武析建安置綏安析建安校鄉

西偏地置即今泰寧建寧二縣東安即今同安
南安二縣地

晉

惠帝屬江州領縣七

先是武帝太康三年析侯官東安置晉安郡惠

帝元康元年以屬江州領建安東平吳興建陽

將樂邵武延平七縣

江州即今江西之九江府
晉安即今福州迤南四府

江左省延平東平二縣

本志言江左不言何代方輿勝覽謂宋明帝廢

延平二縣之
省擬卽此時

宋

高祖仍屬江州

文帝元嘉中兼有綏城沙村二縣

析邵武將樂地置沙村一曰沙縣

陳

武帝永定初屬閩州後屬豐州卽今江西撫州

建寧府志

卷之二

沿革

四

二百〇三
昇

隋

高祖開皇九年郡廢爲縣屬泉州

文帝大業初屬閩州三年屬建安郡

是年析侯官地置閩縣并建安南安龍溪皆屬

焉治閩縣

唐

高祖武德四年改爲建州改太守爲刺史

舊志云是年移州治於建安領縣六尋爲妖賊

武遇所陷五年刺史謝元治討之州復閩縣仍

屬後置唐興建陽將樂綏城并建安凡六縣即吳興

六年析閩縣置泉州建州領縣如故

七年領縣七邵武來屬

八年領縣六屬泉州都督府省建陽入建安

太宗貞觀三年領縣四省綏城入邵武

按八年領縣六今既省綏城入邵武當云領縣五而云四者疑沙村與綏城并置前此未省而

下文乃云復置沙縣恐此時與綏城并在所省

建寧府志

卷之二

沿革

五

高宗永徽六年領縣五復置沙縣

中宗嗣聖五年領縣六復置建陽

睿宗景雲二年屬閩州都督府

玄宗天寶元年隸長樂郡復改建安郡隸江南東

道採訪使改唐興為浦城縣

肅宗乾元元年復為建州隸福州都督府

上元元年屬福州節度

代宗大曆六年隸福州都團練觀察置使

十二年領縣五割沙縣屬汀州

僖宗乾符五年賊黃巢毀州治州人陳巖率鄉兵破之

中和四年以陳巖破賊功拜觀察使鎮福州表郡人熊博為刺史寓治建陽

昭宗景福三年建州刺史徐歸範叛附於王潮

王審知兄也

五代

晉

高宗天福六年以建安鎮安軍王延政為節度使

建寧府志

卷二

沿革

六

二百廿六

封富沙王後改鎮武立溫嶺松源關隸三鎮

天福八年延政以建州建國僭稱殷改元天德

延政審知子俗謂王二十即

南唐

保大四年兵圍建州拔其地遷延政之族於金陵

州改為永安軍尋改忠義軍領縣八

永安場為建寧縣松源鎮為松源縣

宋

太祖開寶八年南唐平復以其地為州

改松溪縣

太宗太平興國三年屬兩浙西南路

通志云屬威武軍

五年領縣四

析將樂屬南劍州升邵武為軍而以歸化建寧屬焉

雍熙二年改屬福建路

端拱元年升建寧軍節度

淳化五年領縣五

升崇安場為崇安縣

真宗咸平三年領縣六

升關隸鎮為關隸縣即今政和縣

英宗治平三年領縣七

析建安建陽浦城三縣地置甌寧縣

神宗熙寧三年領縣六

省甌寧縣

哲宗元祐四年領縣七

析建安地之半復置甌寧而建陽浦城之地不復與

建寧府志

焉

卷之二

漳

十

三

高宗建炎二年州卒葉儂叛知州事方承移寓建

陽

先是建炎元年建州軍校張員等作亂執守臣

張勳轉運使毛奎為所殺判官曹仔嬰城自守

二年轉運判官謝如意執張員等六人誅之是

年六月建州卒葉儂等作亂寇福州陷七日入

寧德縣復還建州上命御營中軍統制張俊同

兩浙提點刑獄趙哲率兵討之大破儂兵於建

州城下儂遜而降復謀叛尋擒斬之州始復
四年御營前軍將楊勅叛焚建州都統制劉光
世招安之七月建州范汝爲作亂知州事劉子
翼移寓崇安宋史云范汝爲作亂命統制李捧
捕之復命福建安撫使程邁會兵討之捧擊汝
爲於建州官軍皆潰捧遜去十月遣前御史臺
檢法官謝嚮招汝爲十月復命神武副軍都統
制辛企宗討之十二月汝爲降詔補民兵統領
紹興元年正月嚮率汝爲討平建陽賊劉時舉

建寧府志

卷之二

沿革

八

三百廿四
昇

二月以企宗爲福建制置使詔企宗及嚮罷遣
汝爲兵汝爲不聽命六月崇安民廖公昭合汝
爲餘黨熊志寧作亂旣散志寧復與建陽民丁
朝佐合兵陷二縣八月移軍福州討志寧及胡
江等諸賊尋遣御史胡世將督捕十月汝爲復
叛入建州守臣王浚民棄城走企宗退屯福州
汝爲犯邵武守臣吳必明統制李山率兵拒之
衆潰退保光澤縣十一月以孟庾爲福建江西
荆湖宣撫使神武右軍都統制韓世忠副之是

月汝爲犯光澤李山走信州十二月汝爲遣葉
澈寇南劍州守臣張翬拒戰大破之企宗仍罷
遣三官率兵軍前自効二年正月世忠兵至建
州直抵鳳凰山五月破之汝爲自焚死斬其二
弟及附賊者餘黨悉平世忠初欲盡誅建民李
綱在福州馳至救止之建昌以全紹興三十二
年升爲建寧府以孝宗潛藩故張棟爲記
德祐二年元福建宣尉使行征南都元帥唆都
遣招討使百家奴丁廣取建寧

建寧府志

卷之二

沿革

九

二百八十一

應

元

世祖至元初隸杭州

十五年改建寧路隸福州行中書省置錄事司

元史作二十六年

十七年改建寧路總管府隸福建道宣尉司

順帝至正二十二年立建寧分省尋擬於陳友定

分省廢

元史作十八年

明

太祖洪武元年友定平復爲建寧府屬福建布政

司罷錄事司領縣仍舊置福建行都指揮使司
又置建寧左右中三衛各領左右中前後五所

俱治於此

中衛 年徙太平府為建陽衛

代宗景泰八年領縣八

增置壽寧縣附郭二建安
甌寧外屬六建陽崇安浦

城松溪政

和壽寧

國朝因之

縣治

建安本侯官北鄉地漢建安初析置

以年號為縣名兼轄

今建陽甌寧將樂泰寧諸縣之地十年析縣之桐

建寧府志

卷之二

沿革

十

三百六十一

應

鄉置建平縣吳永安三年又析其地為將樂昭武

綏安三縣唐屬建州南唐屬永安軍尋屬忠義軍

宋屬建寧治平三年又析縣之西北境十一里置

甌寧縣惟統東南隅十三里地元屬建寧路明屬

建寧府縣附郭

國朝因之

甌寧本建安縣九里三者并浦城建陽二縣地宋

治平三年析置熙寧二年省元祐四年復以建安

西北十一里為之蓋分建安之半建陽浦城之地

不與元明仍舊縣附郭

國朝因之

建陽本建安桐鄉地漢建安十年孫策遣賀齊討

上饒分桐鄉以益之立建平縣屬會稽南部晉大

元中改隋開皇九年省入建安唐武德四年復置

八年又省入建安垂拱四年通志云嗣聖五年復置偽閩

以縣之西北地立溫嶺鎮後改為崇安場宋淳化

五年陞為縣始自黃亭分界景德間改嘉禾有嘉禾產

於石塘里故名元復今名明仍舊

建寧府志

卷之二

縣

十一

百八十四

應

國朝因之

崇安本建陽西北地五代時偽閩析置溫嶺鎮屬

建陽南唐改崇安場宋淳化五年陞為縣始自黃

亭分界元明仍舊

國朝因之

浦城亦候官北鄉地漢建安中析置漢興以國吳號名

永安三年改吳興隋開皇九年省入建安縣唐武

德四年復置改唐興天授末改武寧通志云嗣聖六年

龍元年復名唐興天寶元年改載興後唐同光

更名浦城

舊志云東越王築城臨浦因名

宋德祐初分置忠安軍

元復為浦城明仍舊

國朝因之

松溪本吳越處州東平鄉五代時偽閩據為松源

鎮

今縣東畝伏里是其地

南唐保太九年陞為縣宋開寶八

年改今名

縣南有溪發自浙江處州府慶元縣松源鄉兩岸有松故名

至道二

年析建安之杉溪興唐井浦城之上元三里益之

元明仍舊

國朝因之

建寧府志

卷二

沿革

十一

唐

政和本福州寧德縣地王潮析之置關隸鎮宋咸

平三年陞為縣析建安之東平高宅莨城感化東

衢五里地益之政和五年改今名

以年號名

元明仍舊

國朝因之

壽寧本政和之東北里及福安縣之十一等都地

明景泰六年析置

國朝因之

先時溫處流民肆剽掠明景泰初洞蠻鄭懷茂擁

衆嘯聚於官臺山作亂朝命都御史劉廣衡發兵

勦之檄按察僉事沈訥爲前部訥字文敏號綱菴蘇崑山人素有才畧因從間道深入其阻躬自搏戰身被二矢一鎗奮鬪益急賊不能支遂殲焉復與劉謀曰此賊負固百餘年矣民亦習亂今幸覆其巢穴若不臨之以官能保其無後憂乎劉是之建白于朝始勅置沈復專督其事區畫經理咸適厥宜民感德爲立報功祠云

建寧府志卷之二 終

建寧府志

卷之二

沿革

十三

百四十四

劉